

Broj: 01/02-1-466 /14-SD-2  
Sarajevo, 07.04.2014. godine

BOSNA I HERCEGOVINA  
FEDERACIJA BOSNE I HERCEGOVINE  
VLADA  
Sarajevo

BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BOSNE I HERCEGOVINE  
Generalni sekretarijat Vlade Federacije BiH

PRIMLJENO: 7. 4. 2014.

Organizaciona jedinica	Klasifikaciona oznaka	Redni broj	Broj priloga
03	-02	-405	2014

**Predmet:** Mišljenje o Prijedlogu mjera za prevazilaženje teške ekonomsko - socijalne situacije SSSBiH, Rezoluciji 13. Kongresa SSSBiH i Prijedlogu mjera za izlazak iz ekonomske i društvene krize Udruženja poslodavaca FBiH

1. Budući da, često puta, "interesi" socijalnih partnera, Vlade FBiH, Udruženja poslodavaca i Samostalnih sindikata, nisu usklađeni, potrebno je imati u vidu ključne ciljeve i prioritete koji su sadržani u već usvojenim dokumentima Vlade FBiH.
2. Svi socijalni partneri se slažu da je primarni **prioritet privredni rast i rast zapošljavanja**. Ne postoji održivi stabilan društveno ekonomski sistem u kome će svi socijalni partneri biti zadovoljni, ukoliko nije zasnovan na ekonomskom rastu i novom zapošljavanju. Npr. FBiH može donijeti "idealnu" reformu PIO-a, ali. Bez dodatnih prihoda koji će biti obezbjeđeni novim zapošljavanjem, ista će biti mrtvo slovo na papiru.
3. Privrednog rasta nema bez **povećanja konkurentnosti, stvaranja stimulativnog poslovnog ambijenta i rasterećenja privrede**. Prema analizama Svjetskog ekonomskog foruma, BiH je na posljednjem mjestu po konkurentnosti od svih zemalja EU i okruženja, a od 2006. godine, jaz između predzadnjeg i BiH se još više povećao. Prostora za rast BDP-a koji bi kreirale javne kompanije, i uopšte javni sektor, gotovo da nema. U FBiH, privatni sektor stvara oko 54% BDP-a što je znatno ispod doprinosa privatnog sektora u EU. Zbog toga prostor za privredni rast i povećanje broj zaposlenih, vidimo u rastu malih i srednjih preduzeća, po ugledu na npr. Italiju koju su MSP izvukla iz krize 70 godina prošlog vijeka.

4. Sve akcije socijalnih partnera, iako prividno mogu izgledati da su na štetu pojedinih socijalnih partnera (dugoročno su u interesu svih), treba usmjeriti u ovom smislu, pri čemu svi treba da odustanu od nerealnih zahtjeva. Npr. kad je upitanju Zakon o radu, treba koristiti iskustva iz zemalja koje prednjače u privlačenju stranih investicija kao što su SAD, Kina i Južna Koreja, iako bi divno bilo da imamo Zakon kao što je u skandinavskim zemljama. Ali ovakav zakon ne donosi privredni rast i novo zapošljavanje jer početne pozicije BiH i razvijenih zemalja nisu iste.
5. Mišljenja smo da su opravdani zahtjevi za  **smanjenje učešća javne potrošnje u BDP-u i racionalizaciju broja zaposlenih u administraciji**, jer se na taj način stvaraju pretpostavke za rasterećenje privrede.
6. Rasterećenje privrede kakopredlažu iz Udruženja poslodavaca neće donijeti nikakav rezultat. Postepeno (blago) rasterećenje privrede smo već imali i sasvim je jasno da su efekti gotovo zanemarivi.
7. Mišljenja smo da rasterećenje privrede mora biti značajnije, uz uslov da se ne naruši balans javne potrošnje što nikom nije u interesu. **Poreska reforma treba da bude provedena na neutralan način** pri čemu funkcionisanje javnog sektora neće biti ugroženo. "Izgubljeni" javni prihod i rasterećenjem privrede bili bi nadoknađeni preraspodjelom poreskih prihoda, dodatnim oporezivanjem potrošnje uvođenjem novih poreza građana koji bi bili usmjereni na oporezivanje bogatijih slojeva društva. Na taj način **povećali bismo konkurentnost domaće privrede, stimulisali privredni rast, izvoz i novo zapošljavanje, a destimulisali bismo uvoz i rast neproduktivne potrošnje.**
8. PDV, onako kako je danas uređen, sa jedinstvenom stopom od 17%, predstavlja najjače ekonomsko oruđe vlasti u BiH iako se bude mijenjao, jedini opravdani cilj je ako će za **posljedicu imati rasterećenje privrede i povećanje konkurentnosti.**
9. Programi za subvencionisanje kamata u realnom sektoru, prije nekoliko godina nisu donjeli očekivanerezultate u privredi Srbije, te stoga smatramo da nisu dobro rješenje.

Federalno ministarstvo je u cilju ušteda kao i skraćivanje procedura Vladi Federacije BiH, odnosno Parlamentu Federacije BiH dostavilo izmjene i dopune slijedećih akata:

**1) Izmjene i dopune Zakona o prostornom planiranju i korištenju zemljišta na nivou Federacije ( trenutno u formi nacrtu u Domu naroda)**

## Razlozi za donošenje Zakona:

U primjeni Zakona o prostornom planiranju i korištenju zemljišta na nivou Federacije Bosne i Hercegovine uočena je potreba za izmjenama i dopunama nekih od odredaba navedenog zakona iz sljedećih razloga:

- potrebe izmjene postojeće procedure donošenja prostorne osnove, na način da se donošenje iste od strane Parlamenta Federacije BiH zamjenjuje donošenjem od strane Vlade Federacije na prijedlog Ministarstva što ima za cilj skraćenje procedure i ubrzanje donošenje prostorno-planskih akata;
- potrebe skraćivanja rokova za izdavanje urbanističkih i građevinskih dozvola u cilju ubrzanja procedura, a sve iz razloga implementacije preporuka iz Projekta uklanjanja administrativnih barijera.

- **Izmjene i dopune Uredbe o uređenju gradilišta, obaveznoj dokumentaciji na gradilištu i učesnicima u građenju**
- **Izmjene i dopune Uredbe o vrsti, sadržaju, označavanju i čuvanju, kontroli i nostrifikaciji investiciono-tehničke dokumentacije**

## Razlozi za donošenje Uredbi:

U cilju efikasnijeg obavljanja poslova iz redovne djelatnosti, brže obrade zahtjeva podnosioca te smanjenja troškova i angažmana vanjskih saradnika po ugovoru o djelu Federalno ministarstvo prostornog uređenja odlučilo je da poslove iz Uredbe obavlja samostalno.

FMPU je također prosljedilo Prijedlog PP FBIH, Prijedlog PP Koridora Vc, Prijedlog PP Sliv rijeke Une i druge prostorne planove kao razvojne projekte u svrhu planskog, ravnomjernog i održivog korištenja i razvoja prostora Federacije BiH, te stvaranja zakonskih pretpostavki za otvaranje javnih radova kao i otvaranja velikog broja novih radnih mjesta na tim radovima. Nažalost, svi planski dokumenti ministarstva su utvrđeni na Vladi FBIH i kao takvi proslijeđeni u Parlamentarnu proceduru, gdje neki od njih godinama čekaju da budu uvršteni u dnevni red nekog od Domova Parlamenta.

S poštovanjem,

Dostaviti:

- Naslovu
- Evidenciji
- Arhivu

MINISTAR  
*Mysel Đesnica Radivojević*

